

愚

齋

存

稿

愚齋存彙卷第七十九目錄

電報五十六

端大臣來電

又

又

寄趙竺垣京卿炳麟

桂林趙竺垣京卿來電

寄端大臣

又

趙竺垣京卿來電

寄端大臣

又

又

端大臣來電

又

大治端大臣來電

又

又

上海唐蔚之侍郎來電

寄上海唐侍郎

長沙楊中丞來電

寄端大臣

又

桂林趙竺垣京卿來電

大治端大臣來電

寄大治端午橋督辦

成都電局周守祖佑來電

宜昌路局李姚琴京卿來電

寄端大臣

端大臣來電

又

又

又

寄奉天趙次帥

寄成都趙季帥

又

端大臣來電

又

成都電局周祖佑來電

寄武昌端大臣

又

寄武昌端大臣宜昌李京卿

四川趙季帥來電

端大臣來電

寄武昌端大臣

寄江蘇陸中甫中丞

寄端大臣

寄宜昌路局李京卿

寄端大臣

寄武昌瑞制軍

寄端大臣

端大臣來電

又

武昌端大臣來電

寄武昌端大臣瑞制軍

寄武昌端大臣

又

長沙楊俊帥來電

廣州張堅帥來電

武昌端大臣瑞制軍來電

武昌瑞制軍來電

武昌端大臣瑞制軍來電

又

又

內閣寄武昌瑞制軍四川趙制軍端大臣

寄瑞制軍

端大臣來電

又

寄端大臣

端大臣來電



又

寄南昌馮星巖中丞

端大臣來電

寄端大臣

又

愚齋存彙卷第七十九

電報五十六

端大臣來電

閏六月初八日

並致澤公

季帥處昨已電次帥轉致並另電季帥請其從嚴干涉力拒非理要求復將此次合同足以救正文襄草約暨較津浦合同挽回權利不少之處詳細剖析開導昨又得廷旨催季帥速赴新任經此嚴切責成川事當可望漸次就範

又

閏六月初九日

黃澤生病暑當愈已晤及否湘紳主張全數附股

一節請面與商定免再活動至振耀捐不能撥還亦須與說明得復卽擬派薛道前往接收

又

閏六月初九日

伯颺兩次來電均似爲公司辯護於部派本意絕未理會其人殊不可靠唐寶鏐京津均有差使因其屢遞條陳又爲少川阿姪故以粵路諮議員相委公擬派助伯颺亦是一法惟其人有議論而少條理旣派伊前往請示以堅定不移之訓條使之懍遵恪守方冀於伯颺有所補正敝處頃亦發一電堅屬其此行必須遵照欽奉諭旨及部中原

奏妥辦不可稍越一分範圍渠若道鄂亦必力囑  
然總以速催竺垣到粵料理爲正辦格林森自到  
武昌日日晤面已定先勘武長日內卽行並擬路  
綫隨勘隨定隨將應用地段妥購自到鄂後於應  
行預籌之事均可早爲料理至工師未到之路則  
無從著手也

寄趙竺垣京卿炳麟

閏六月初九日

澤公會電

尊函均悉滇桂路款滇暫罷議桂全相接尙無期望改  
造則桂邕柳桂自籌無項借債無抵兩部本年議借鉅  
款已負重謗恐非待粵漢告成驟難再議閣下旣奉命

出京桂路開辦無期而粵漢之廣州至宜章商辦止成一百九十一里尙有五百里未成現已收回國有亟須認真續辦期在速成所有商票已派員赴粵持部中股票驗明更換工程司仍用粵人詹天佑惟總辦一席已歸官辦亟應奏派大員督飭催工總司其事現在會商擬卽借重閣下爲粵漢鐵路廣東全省總辦駐紮粵省以資控馭目下風潮已靖祇因股商歷舉總董皆屬虛糜故此次飭派必須資深望重如我公者方足以資鎮懾除卽日會奏外謹先布聞應請尅日起程屈指駕抵粵垣之日必可奉 旨並將各章程專差寄上公素抱

公忠此次不得已收回幹路官辦若非一矢清貞夙夜靡懈何以上對 朝廷下慰民望瞻仰行旌同深企盼

桂林趙竺垣京卿來電

閏六月初十日

炳麟前奉交 旨令辦路事自揣毫無歷練奏請收同成 命留臺効忠奉 旨開缺以四品京堂候補麟倉皇赴桂現擬將籌商桂路情形呈請撫院代奏麟卽回京當差無論如何投閒置散麟亦深願頃奉鈞諭委以廣東全省路事心益惶悚麟本書生未諳路學若置諸論思之地寸心耿耿尙可補闕拾遺宣上德而達下情猶能勉力圖報尙

用辦路政則學非專門才虞竭歷萬一僨事炳麟  
身敗名裂猶不足惜恐負 朝廷擢用之恩且累  
鈞座知人之譽撫心清夜何以自安伏乞俯賜體  
量萬勿奏派是禱方今時局艱難麟粗讀詩書略  
知忠義豈敢遇事推諉圖卸仔肩惟自審才力實  
於路事非所長夙恃知愛用敢直陳乞垂納

寄端大臣

閏六月十二日

竺垣來電堅辭擬再勸駕然不能不另想一人伯颺太  
活動唐寶鏐之行蔭公及同部均力阻讀尊函尤佩知  
人擬另設法蘇堪何日到任似可仍派參贊乞酌

又閏六月十二日

辭道鴻年電稱長柳遂闕自揣力難勝任乞另簡賢員  
以裨大局長洙尙有一橋未成其餘是否完善須俟總  
工程司履勘方知底蘊云辭慎密而諳練但不及朱道  
祖蔭精幹公能商俊帥派朱更好如不允再與辭商

趙竺垣京卿來電

閏六月十二日

廣西鐵路麟改辦桂柳嗣奉吾丈借款無抵之論  
鄉人以廣西交通太滯諸事受虧僉請遵部議先  
修桂全路款有二百四十餘萬再由商籌百萬可  
竣工由全至湘添購小輪以資運料粵漢成後幹



路經桂全 國家收同鄉人無異議僉請電叩以  
定方針乞示復定議後麟卽回京

寄端大臣

閏六月十二日

德爲門請同膺總董並請寄名畫數件陳列弟已復允  
聞公往大治避暑藉可一覽鐵鑛已飭王道收拾惟房  
屋甚窄恐不舒適耳

又閏六月十二日

承示格林森覆勘武昌起點若有更改自應由公妥爲  
酌定目下工程惟粵漢可以趕辦武長總辦旣定高藩  
司凌爵應請迅速札委本部亦卽下札聲明與督辦大

臣會商除會奏外以便格林森辦事有所稟承該藩司  
於鄂事甚熟呼應必靈請速定勿疑

又

閏六月十二日

德國工程司錫樂巴來信願來勘路惟價值必重已電  
許其二千鎊恐尙不足鄙見廣水至宜昌不必甚急因  
宜夔不通亦無甚益計算工程必是廣宜速於宜夔也  
請面詢格林森日本原口勘繪廣宜細圖有用與否乞  
示

端大臣來電

閏六月十三日

辭朱均屬當行辭於路事尤有經驗前日接辭辭

電當卽發電諄切勸駕尙未准復此時似未便商  
朱請公再電辭屬其慨就此席長沫祇一橋工不  
難兼顧如再力辭卽商俊帥求其讓朱如何

又

閏六月十三日

明晨擬赴大冶一覽東亞第一宏偉之礦工十六  
早准返鄂承飭王道照料至深感謝方已與預約  
輕騎減從而來萬勿設備過日尙可續往也

大冶端大臣來電

閏六月十四日

德工程司錫樂巴於中國情形太熟不知好駕馭  
否如品格尙好自可聘用惟薪水如過三千鎊則

格林森必援例求增現派人在德國延訪一層似  
可微示以意當不致居奇廣宜細圖已檢交格現  
格事甚忙恐無暇細看看畢如何說法再奉聞辭  
總辦日內來鄂尊處當已得電

又閏六月十四日 並致澤公

杏公文電謂廣宜不必甚急所見極允文襄所定  
廣宜綫似太迂拘恐難見利若用漢沙宜沿江綫  
工省效速可見目前之利至改綫漢中之說前已  
詳陳高澤畬云聞蘆台人之包此項難工者謂宜  
歸一段應開大山洞兩處每處須分年不能一時

並開卽此兩洞非八年不能竣事聞文襄規畫川  
路本期以二十年告成以息借之債圖曠日之功  
實不上算且恐工未竣而已屈還債之期請蔭弟  
杏公再就全局利益通盤籌算確定指歸不勝企  
望

又閏六月十四日

尊論趕辦粵漢極佩卓見澤畲已到差日內赴京  
上謁望加誨示奏稿辦就客卽咨達蘇堪參贊一  
席擬同時入奏承示唐寶鏐事極佩虛衷前派顏  
道世清赴粵密查聯絡大股東爲收路之預備擬

先從張弼士陳磨虞諸股東入手該道才氣有餘  
熟於粵情當可暗資臂助竺垣能否願就已電堅  
帥勸駕

上海唐蔚之侍郎來電

閏六月十四日

船校報名已二千餘取額極隘日前浙江旅滬學  
會請移撥吳紳作鑛捐商艦公會銀二萬兩開辦  
甯波分校業經據情轉咨在案現聞吳紳在京敬  
懇鈞座切商撥款並請其此後陸續捐款以資永  
久華僑子弟有願入本校及船校讀書者當酌定  
名額預備申送姪爲興學起見是否有當統候鈞

裁示復

寄上海唐侍郎

閏六月十五日

甯波分校吳紳作鑄捐銀二萬兩可敷開辦兩年已咨復照辦正慮無以爲繼尊意華僑子弟有願入本校及船校讀書者當酌定名額預備收送不特推廣興學且可藉以籌款尤佩蘊籌聞爪哇新立學堂正可查明予以進步請卽將此意專文到部似可奏明立案吳如來京當必商勸

長沙楊中丞來電

閏六月十五日

昨奉 恩命移撫秦中未識洛潼鐵路已否修通

乞示

寄端大臣

閏六月十六日

辭道如願往本是熟手兼有耐心但須請我公切託余  
中丞乃妥高方伯來京面告購地各辦法卽當促其回  
鄂黃澤生迄未見其教育會事畢出京仍請公與決定  
可勿遲延

又 閏六月十六日

保林公司派一工程司由倫敦來頃與詳論辦法似可  
擇一二股先與籌議莫妙於先宜夔以定方針彼云包  
辦鉅工必先從難工動手方能省費省時真是老腳色



愚齋存藁

卷七十九

電華五十六

八

思補樓藏版

請卽預備派員帶同前往鄂境須與華帥會札川境須與季帥會札川省尤爲要緊候示卽令來鄂謁見蘇堪在鄂更妙

桂林趙竺垣京卿來電

閏六月十六日

蒸電想達鈞聽頃接粵督張轉致端大臣電仍以粵路敦勸並有一面具奏等語麟堅辭路事實非畏難自審旣非專長又無歷練幹路歸爲國有收效全在得人倘綆短汲深必才竭僨事麟一身失敗猶小朝廷因此失民望關係至大麟前電字字皆出肺腑無一飾詞懇祈垂納千萬勿奏派並

代達端大臣是禱

大治端大臣來電

閏六月十六日

治山小住兩日擬觀美鑛詳考鉅工公於舉世晦  
盲之日預買時人不知之山二十載經營成茲偉  
業功在百世利冠五洲循覽一周竊歎觀止星北  
觀察善體公意招待周摯山樓暫憩潯署都忘待  
續前游先鳴謝悃

寄大治端午橋督辦

閏六月十六日

治鑛光緒初元所覓得困心衡慮今日始稍覩成效寥  
寥曠世未有知音惟公喻我苦心獎許逾量曷勝慙感

愚齋存稟

卷七十九

宣統元年

九

提督楊士琦

公履齒所經山靈生色政暇倘留記載尤所歡迎快觀也

成都電局周守祖佑來電

閏六月十七日

十一股東會舉編修顏楷主事張瀾爲正副會長  
季帥蒞會張以種種難題質問詞語侵人季帥頗  
愠連日開平議會及舉幹事昨傳聞宜昌總理已  
將路款繳官該會頗覺恐慌季帥聲威川人素畏  
或不致有暴動其詳情昨已箋稟郵寄轉到可達  
餘容續稟

宜昌路局李姚琴京卿來電

閏六月十七日

咸電敬悉當經面詢顏工程司據稱宜歸閭當開  
大山峒祇五段一處計長六千餘英尺自去冬開  
工原包四年完竣現已開通二千餘尺此外山峒  
至長者不過二千尺內外餘或數百尺或千餘尺  
已開標包辦者數處並無八年始能完工之大山  
峒至歸州以上山峒大小須俟美工程司到工勘  
估始能作准合併聲明成都開會仍主拒款爭路  
十二日勳將附股辦法由電詳達大遭掎擊迭據  
總公司董事局電稱川督轉示部咨始知公已將  
川路呈部接收仍派勳充本路總辦事權驟移路

款並送會眾異常憤激又接諮議局電稱郵部咨  
川督川路已與李京卿定議路歸國有宜歸路工  
仍責成該京卿主持則此時路已歸官非復川有  
公已爲官派總辦非復公司總理惟公入都與部  
定議係受何人委託有此全權各等語當經覆稱  
此次入京正爲路款尙未歸結官局尙未接收而  
每月用款甚巨不能不請示辦理俾款有著旋接  
郵部照會川路未交收以前仍責勦督同原辦工  
程司照常經理部咨定議云云係指未交路以前  
辦法而言公等如有所疑請速另舉總理俾勦得

早日交卸離工精明心迹至所呈附股及要求政  
府各節原爲保全股東財產起見公等旣不謂然  
卽請取銷此電去後尙未得復旋據滬漢來電董  
事有電停發料價益堪駭異季帥到省數日勦寄  
兩電尙未奉復未知其政見如何事機急迫勦地  
介嫌疑言恐無效應如何妥籌完結祈速商季帥  
主持定奪爲要

寄端大臣

閏六月十八日

據李姚琴篠電面詢顏工程司據稱宜歸間應開大山  
峒云見上應如何妥籌完結祈速商季帥主持定奪

爲要云季帥電奏到任之後尙無續電不知其政見如何乞大才酌奪電示

端大臣來電

閏六月十八日

壽平移湘於路事頗可相助並以辭道相託求其遇事關顧黃澤生聞抱恙未出都請屬午貽要澤生來該振糶捐事非在京中說開不可一經到鄂便難置喙頃壽平云鄂紳近亦頗注重此事澤到必有人從旁慫恿從前鄂人原無此妄念因蘇堪到鄂大談導江濬湘之策謂有部還振糶捐款可用比方見蘇力言此款萬無還理堅囑蘇勿言然

已駟不及舌請公與澤生厯陳並屬午貽暗爲之  
助否則此事非蘇堪三寸不爛之舌不能挽回數  
百萬金之款所謂繫鈴者乃能解鈴也湘事外面  
似平靜將來接事能否不致棘手尙難逆料得澤  
生爲總紳諸事較易著手請公力爲勸駕勿聽固  
辭至要至懇

又 閏六月十八日

保林公司所派工程司請卽令來鄂面商鄙意亦  
擬先看宜夔蘇堪日行聞可來鄂高澤畲二十四  
快車赴京



又 閏六月十九日

川省特別股東會轉來兩電前電力主拒款後電力阻敝處赴宜調查路工之林吳兩員語意背謬激烈駭人聽聞該會非前勘路公司可比自應置之不復惟保林公司勘路洋員現擬先看宜夔宜昌川商甚多與川省會徒沆瀣一氣中國調查員尙抗不允往外人到彼斷難游行自如應請公分電季帥華帥姚琴責其保衛俟得復再令前往川工本在鄂界該會本無越界阻人勘路之權但看種種舉動全似拳匪行爲鄂雖駐兵段多力分不

能不預爲籌及日來川中情形甚隔膜趙季帥到任後應將路事大略情形覆奏十二日電屬寄示原稿至今尙未得覆公處如有所聞乞見示

又

閏六月十九日

前函改綫之說近於陳義過高而其實理不可易蘇堪不日來京亦必力陳斯策此事裏邊如不便提議可否由方轉奏 諭交閣議並可作爲政府提出議案交資政院議決能得議員協贊便無阻力惟事前須有布置能屬久香諸公將議員預爲連絡不難通過本年借款未交院議議員中頗有

違言此事若交院議亦可將前事銷融無迹川人自無所藉口高道增爵熟於川陝情形擬派令前往勘路並由部加派工程師隨同往勘最爲要著此綫無論真改與否此著必須做到請詳酌見示

寄奉天趙次帥

閏六月十九日

都密收到本日已發季帥兩電胡燏將京蜀往來密電全行洩漏現因調回周祖佑而胡銜之甚近日午帥力主改道漢中並云蘇堪來京亦必力陳斯策棄置民辦宜歸原綫省得與一班糊塗人紛擾亦是一法但不知如何運料尊處如有川省詳細地圖請借寄一觀公意

改道漢中有無難處西安由洛潼接造事所必然或由  
西安起點亦無不可乞酌度密示

寄成都趙季帥

閏六月十九日

履新甚賀胡燏因次帥到京面告漏洩官報必須撤換  
因就近將渝員周祖佑仍調省局適值路事堅帥來電  
港粵匪徒意在聯合川楚抗拒乃撥案禁止違抗電報  
胡燏疑因路撤差遂大反對所有京蜀密電無不漏洩  
並聲言周到成必打毀部催周到而周請假公抵三方  
能接手事多變幻羅綸爲首胡燏與有力焉頃次帥函  
寄都密電本以後賴此密商方免漏洩

又閏六月十九日

有人條陳改道漢中與西安相接如用此策一可棄置民辦宜歸原綫二可免造宜夔極難工作但未知宜昌至成都鋼鐵重料能否轉運成都至漢中以達西安實在路綫若干所經山路比較宜夔若何沿路鑛產土產是否多於宜成尊處想必有熟悉此路者乞速查詢電示端大臣深韙斯議

端大臣來電

閏六月二十日

伯鵬電請飭交通銀行收買股票此時恐已來不及且不易辦到部如何覆法請示川人赴各省運

動早經電致湘官紳暨堅帥防範湘來電云未接  
待。在粵開會堅帥未阻據伯鵬稱粵人無效川人  
能由此悔悟乃妙否則非季帥寬猛兼用恐至不  
可收拾但不知季帥手段若何季帥密電本已寄  
去再督撫會辦一事觀川省近日情形關繫尤重  
請速檢奏案見寄至懇

又閏六月二十日

治鑛宏規歸來猶神往不置承以知音謬許益見  
遠抱孤懷解人難得月內再行游覽定當勒碑刻  
銘以紀偉業但恐文字拙劣不足以揚萬一耳

成都電局周祖佑來電

閏六月二十日

股東會昨星期停議今日開議議舉查帳人自相  
支吾未決而散昨要求季帥電參師座及宜昌李  
總理季帥未允復具公呈求請代爲電奏並取銷  
李總理限十日交替餘容再續稟

寄武昌端大臣

閏六月二十一日

頃商蔭公督撫會辦卽由尊處具奏京漢鐵路曾派直  
督鄂督會辦工至河南卽由督辦大臣奏請添派豫撫  
會辦是以地方公事均得順手現在四省鐵路收歸國  
有與地方紳民尤多交接應請 旨派各該督撫會同

辦理從前王文勤張文襄係特旨先派與現在情形不同故無庸鈔案此事若出部請恐生誤會竟請公卽具摺不必電奏

又

閏六月二十一日

趙季帥代奏川漢特別股東會長顏楷張瀾呈開奉督札准郵部咨准李稷勳呈稱該路收歸國有應俟將交出各款妥定歸結辦法始由官局訂期接收恐非倉猝所能完竣嗣後關於工程材料及工程司去留各事應如何辦理統候裁奪又據該京卿面商宜歸工程照常辦理每月工項仍由川款開支現用工程司顏德慶甚



可靠卽責成一手辦理本部覆按所論均屬正當所有  
宜歸路工應責成該京卿督同顏德慶認真辦理仍隨  
時呈報本部及督辦大臣等因准此奉札之下不勝悚  
栗四五月迭奉 諭旨均明白宣示幹路國有辦法著  
度支部郵傳部督辦大臣會同各督撫悉心籌畫請  
旨辦理是此次收回商辦各路應卽算無遺策羣情咸  
服至於接收路工亦必部臣疆臣會同定議請 旨乃  
能實行斷非一分公司總理所得擅專作主尤非郵傳  
部之任意一咨可以恭代 綸音且 諭旨明言川路  
現存七百餘萬願否入股或歸本省舉辦實業均聽其

便則此事應由股東議決更無疑義今李稷勳專擅害公並於路外現款強股東以取不便顯悖 諭旨本日已由股東議決照章辭退應請督部堂奏明行知該京卿於十日內將所有經手關防款項一切事宜交會計局長杜成章責成暫行管理照奏定公司章程總理本止一人該京卿既退之後應勿庸再舉總理或另舉副總理到宜接辦或以成都總理移駐應再開會議決公舉照章執行所有部臣弊通分公司總理應行分別糾劾撤銷各情乞查核電奏須至呈者請代奏爾豐巧除咨行外特先摘寄希鑒核

寄武昌端大臣宜昌李京卿

閏六月二十一日

本日奉 旨趙爾豐電奏川路股東會會長顏楷等爲  
部臣弊通分公司總理分別糾劾錄呈代奏等語原電  
著鈔給督辦粵漢川漢鐵路大臣郵傳大臣閱看欽此  
謹電聞

四川趙季帥來電

閏六月二十二日

改路漢中固爲顧全之計然恐拒約者更藉爲口  
實此事頃微聞川股東已預議及之謂宜夔路綫  
可改則條款亦可廢又謂一面自修宜歸俟漢中  
路達到川境仍須歸川人自修等語果爾則又生

枝節更覺非妥鄙意一面偵其情偽隨機因應以期漸就範圍倘能量予通融亦祈詳示辦法俾得有所著手是所盼禱周守祖佑之被謗可謂無因而至然與羅綸無涉豐惟抑其風潮不使暴動再改路之議電未至外間已有知者此後密電務乞留意

端大臣來電

閏六月二十二日

頃據宜昌李道濡電稱川股東會主爭路廢約姚琴主保款意見不合因部咨責成姚琴辦理羣譁爲路款並送紛電責成李遂辭職該會限十日交

付一切等語姚琴爲奏派之人該會豈能擅行舉  
換似此無理取鬧必釀事端應請閣電季帥主持  
此事一誤萬難再誤敝處久未得季帥電公於川  
中情形有何聞見請示

寄武昌端大臣

閏六月二十二日

黃澤生已晤兩面傳尊意繫維尙不堅拒昨午詣偕楊  
哲子來議願全要保利股票示以米捐鹽溢兩項湘撫  
來咨索股票歸官今日楊復交來說帖如下五月二十  
一日奏定鐵路辦法粵川湘鄂四省所抽所招之股盡  
數換給 國家鐵路股票給息分紅此第一層辦法四

省所同者也其不願換給 國家股票者分別辦理湘  
路商股照本發還其餘米捐鹽捐租股房股除美國贖  
約經費三百餘萬兩外准其發給 國家保利股票此  
第二層辦法湖南所獨者也自湖南紳民一面觀之如  
遵第一層辦法則可免扣除贖約而商股未必能退現  
銀如遵第二層辦法則商股可退現銀而餘款又須扣  
除贖約二者欲擇所從頗不易決方在籌議未定而湘  
撫忽有米捐鹽引溢銷二款應爲官股之說於是湘中  
紳民議論爲之一變以爲如遵第一層辦法名雖不扣  
贖約實則米鹽二款倘竟歸官則民人視之與扣除贖

約何異必至第二層辦法先求商股可退現銀再爭米  
鹽各款之扣贖約爭而不得亦不過湘中官民兩無  
所得而已湘人此種議論亦勢所必然也然從 國家  
一面言之則自以第二層爲正辦且宜使湘款全數附  
股以爲粵中商股之倡惟欲求湘股全數附股而米鹽  
二款不以歸民則湘民未必肯犧牲退股之自由而徒  
爲湘中官場增款項也故此事之辦法最上者莫如由  
部中主持將米捐及鹽引溢銷二款准歸湖南公股與  
鹽勛加價一例給與分紅分息股票湘人於此旣欲免  
扣除贖約又欲免官中爭款勢非遵第一層辦法全數

附股不能爲功以此勸導商民附股措詞最易其次則或以米捐歸民鹽引溢銷歸官官民各得其一湘民或猶有贊成之者若夫二款皆以歸官在部中則曰我但照第一層辦法發給股票爲官爲民非其所問而湘民必曰民無所得卽與扣除贖約無異何如遵第二層辦法尙有退股之自由如此而欲勸其安於第一層辦法恐無詞以喻之也云云弟以粵省贖約三百萬皆出商股部已納在四成無利股票之內斷難兩歧湘官所索米捐鹽溢兩項至多亦只能給無利股票歸官歸商應由督撫主持而楊仍未見現訂二十四請澤生面議公



意如何望速與莘帥壽帥妥商電復以便與蔭公再議

寄江蘇陸申甫中丞

閏六月二十二日

沙洲圩被災重已承尊處派員撥款會同林道辦理甚  
慰馮大臣電奏頗詳一俟奉 旨再行酌撥冀副仁厘

寄端大臣

閏六月二十二日

宜歸工程既不能停仍派李姚琴暫理以免地方滋事  
鄂川兩督來電均主此說公與弟故贊成之給李照會  
咨過尊處請卽檢閱如以私相授受爲嫌李係奏派該  
公司總理與本部及督辦大臣直接商議並無不合至  
李所面商宜歸工程照常辦法每月工項仍由川款開

支其意因工既不停卽需款應付而部未接收界限不清又不能動支部款故不得不飭令仍就川款應付統俟接收時一併核結四月底部札川督所派之查帳委員馬汝驥聲明將用款逐項登記卽爲認還川款之根據總之 諭旨收回兩層辦法可俟總督與督辦大臣籌決從違以順輿情惟督辦大臣未接收以前李京卿係奏派總理因值官商交接之際若驟易生手誠如莘帥前電在工夫役數萬名之多不可不慎且值大雨時行已成之工稍有損壞將來部員接收若點驗含糊則公家之虧損不少若認真估計則其害必及於股東其

所舉之杜曾兩員勝任與否尙不具論應請飭下督臣遵照迭次諭旨迅速妥籌辦法電知督辦大臣早日派員接收工程則此後工款自必由部籌支卽以前部准李京卿所說每月仍由川款開支之工項亦必如數由部承認如公以爲然弟當卽日奏復公明日奉到廷寄似應詳細電奏庶可早日決斷再李京卿接到川電必預備交與顏楷等所舉之會計局長杜成章暫行管理聞此人決擔當不起萬一工役滋事難保不貽禍地方請卽知會華帥預爲防備或請華帥電商季帥仍留李京卿以資維繫而符原議候尊電卽覆奏

寄宜昌路局李京卿

閏六月二十二日

公復川電部中照會照常經理係指未交收以前而言  
實屬官商兼顧乃趙代奏顏楷等公呈全屬相反部擬  
卽日覆奏務請公暫爲含容以顧大局若一離宜恐滋  
事端應再候 旨施行

寄端大臣

閏六月二十二日

論難工宜夔必須派保林先勘以定去就論川情只可  
暫置保林工程師勢難久候擬卽令其赴鄂尊見如以  
趕辦粵漢爲然莫如將武長一段令其包辦格林森從  
株州辦起則三年必成矣望速與蘇堪商之

寄武昌瑞制軍

閏六月二十二日

昨季帥代奏川路臨時股東會公呈請將前經川督奏派之總理李稷勳辭退限十日內將經手關防款項一切事宜交會計局長杜成章暫行管理俟決選司理人到宜接辦等語已有交 旨著督辦大臣及敝處閱看查宜昌工程數萬人恐停工滋事迭經台端切囑仍用李京卿免致停工李到京呈請從前支出各款妥定歸結辦法始由官局訂期接收恐非倉猝所能完竣目下宜歸工程照常辦理每月工款仍由川款開支當卽核准照復並咨鄂川在案端大臣到鄂又復加札辦理今

若准其驟易生手不特帳目混雜有礙接收且恐全路  
工役謠惑滋事今據李京卿鈔呈趙制軍電文云應懇  
如請撤銷奏派總理原案至勦經手宜工一切交替事  
宜應俟奉到尊處正式公文卽行遵照辦理等語敝處  
二十四卽擬覆奏請暫留該京卿在宜總理以免停工  
滋事俟督辦大臣派員接收再行定奪宜歸係湖廣屬  
地公爲治安起見可否卽日發一電奏以便內閣據以  
飭知川督轉行公司遵照更爲切實乞速電示

寄端大臣

閏六月二十二日

姚琴哿電覽否弟准二十四覆奏請暫留李仍不停工

愚齋存彙

卷七十九

電報五十六

三

見報抄錄

所用之款仍照馬道汝驥札文所開專款登記如數由  
官算還頃電商萃帥請其加一電奏專爲地方治安起  
見請留李稷勳公有無電奏均請速復拙疏已草就候  
示卽遞

端大臣來電

閏六月二十三日

頃與萃帥細心籌商決定非留李姚琴不可刻擬  
會萃帥銜電奏請留李並請嚴加諭旨責成季  
帥懍遵五月二十一日閏六月初六日諭旨辦  
理如有意外風潮責成季帥嚴行懲辦萃帥因宜  
歸係鄂境尤爲持之有故會奏今夜發須二十五

日上達尊摺能明晚再進兩奏同邀一 旨最爲  
合宜速復

又 閏六月二十三日

顏世清現甫抵粵如有來電當隨時奉聞總紳薪  
費擬照總辦例薪水月五百兩公費五百兩事權  
雖有不同而經濟不能顯分軒輊也請酌覆

武昌端大臣來電 閏六月二十三日 並致澤公

杏老兩禡電今午始先後接到姚琴亦電稱取消  
總理之電到宜工場訛言滋多事關地方利害請  
轉知華帥等語現正約往華帥處商酌留李不停



工辦法商定另電復此次贛東會詞旨堅悍季帥  
遽爲代奏與采帥已同一機軸川省大吏已無望  
其恪遵迭次諭旨相機行事杏老旣主留李寶  
是正辦惟此言一發卽係與川人決裂必須內外  
通籌堅持定見一綫到底將最後應付之法先行  
算定方可下手季帥有電意在急脈緩受專主顧  
目前地方之治安並未深籌大局之結束李仲帥  
致莘帥電亦頗嘗議郵部督辦謂不能曲順民情  
看來諸公不諒當局之苦心專徇報館之輿論彼  
倡此和幾歸一致上兩次諭川之旨何等嚴切

季帥尙敢代川紳抗奏若由部先行駁其退李之  
奏其不遵固可逆料其集矢於部尤在意中甚或  
謂從前 嚴旨非 朝廷意皆部實爲之其煽亂  
必在指顧間接宜昌探報云自東內渡者紛紛上  
駛每日開往重慶小輪無不滿載恐有隣人陰爲  
煽惑此層能否微示季帥或密陳政府庶得此中  
真相預爲防範稍弭禍端倘不先爲之備禍端一  
發斷非季帥之才所能收束前公與鄙人日日望  
季帥速來今細審季帥情形真出人意計之外鄙  
意似不必急於入告蔭弟杏兄在內密加統籌方

與萃帥在外亦委爲策畫商請政府決定一成不變之辦法再行發表否則一經決裂物議必致沸騰臺諫必有論列疆吏之向以邀譽報館爲目的者亦必於局外妄加雌黃近年議論龐雜往往積非成是事變之來真有不能測其究竟者望熟籌而審計之餘俟續電奉陳

寄武昌端大臣瑞制軍

閏六月二十三日

季姚琴事本日未奉尊處覆電擬改二十五覆奏湘事二十四晚會議蘇堪何日來京乞示

寄武昌端大臣

閏六月二十三日

姚琴舫電請速鈔送莘帥一閱弟已電商莘帥爲地方治安立論電留姚琴在宜勿動爲要姚琴本是奏派總理郵部因所派馬道不甚合故與尊處加札耳

又閏六月二十三日

季帥恐多先入之言去電一字不復閤中必須憑我等奏到方肯發表所謂不肯擔當也

長沙楊俊帥來電

閏六月二十三日

湘省路事自經前次開導諭誠後眾論帖然並無異議昨有陳白龔三川人來湘急圖煽動當飭地方官干涉不准開會演說湘人亦均不承認三川

人已於十一日離湘現在各界一律安靜謹以復陳

廣州張堅帥來電

閏六月二十三日

白堅等到粵經飭警道干涉在省未敢公然糾眾演說路事現已赴港聞於二十日在港開會復經先飭報館不准登載該會演說並飭警道密查不准再混入內地茲擾矣

武昌端大臣瑞制軍來電

閏六月二十三日

路事初次國有湘蜀均有違言該督撫率行代奏均經奉旨嚴行申飭川股東會此次請撤李總

理季帥於兩次 嚴旨均未理會又不察部派李  
總理係接收以前權宜之舉且係根據川鄂兩督  
之電率行代奏此後川路固難著手卽湘鄂收路  
在卽亦恐另起風潮頃經詳悉晤商僉以 國家  
政策既定必宜堅持到底稍一游移必致不可收  
拾各項號令皆將不信於民在內在外均宜恪守  
上兩次 諭旨辦法庶 朝廷宗旨昭然若揭川  
人素尙客氣苟無干預助長之人不久必可斂戢  
卽使執意反抗 朝廷亦斷無收回成命之理請  
卽切實與政府妥商至盼至懇

武昌瑞制軍來電

閏六月二十四日

季帥此次代奏未免太不斟酌激擬以地方可慮措詞會午帥銜電請內閣代奏請明降 諭旨仍行派李留辦正在譯發與公意見相同除原奏全文另電備核外特復

武昌端大臣瑞制軍來電

閏六月二十四日

頃會銜電內閣代奏文曰本月二十一日奉 旨趙爾豐電奏川路股東會會長顏楷等爲部臣弊通分公司總理分別糾劾錄呈代奏等語原電著鈔給督辦粵漢川漢鐵路大臣郵傳大臣閱看欽

此欽遵並准郵傳部將原奏大致先行摘要電致  
端方前來查川漢鐵路自奉 旨收歸國有以來  
川人卽思反抗迨前署四川總督王人文代奏奉  
旨嚴行申飭後始漸帖然不敢昌言抗拒並經  
瑞澂因宜昌路工夫役數萬人誠恐川路未經接  
收以前謠譏紛紜懷疑生事與郵傳部及端方往  
返電商仍留川路總理李稷勳暫行經理以免停  
工生事每月工項仍就川款開支俟接收時一併  
核結認還由部照會李稷勳在案此因顧全路事  
與綏靖地方起見並非別有私意於其間乃川人



計無所逞輒指李稷勳專擅害公妄議辭退總理  
要求趙爾豐率行入奏以致此信傳播宜昌人心  
惶惑實於地方治安大有影響雖經瑞澂電飭地  
方官切實曉諭彈壓能否不致滋事尙難逆料伏  
查此次川省集會倡議之人類皆少年喜事並非  
公正紳董詢之蜀紳眾口僉同並聞自東內渡者  
均紛紛回川恐有受人煽惑情事尤恐名爲爭持  
路事實則別有隱謀非請明降 諭旨特派李稷  
勳仍行留辦路工一面責成趙爾豐懍遵迭次  
諭旨嚴重對付殊不足以遏亂萌而靖地方瑞澂

等爲路事地方兼籌並顧起見不敢避讒畏謗隱  
忍不言理合披瀝直陳懇請據情代奏請 旨速  
賜施行不勝迫切待命之至等語乞兩公面陳政  
府主持於內並嚴責川督恪遵迭次 諭旨辦理  
實於路事地方兩有裨益

又 閏六月二十五日

王道壽昌奉委京漢北局會辦亟擬赴差惟兵工  
廠差陸軍部須俟該廠接收後再行派員接辦而  
接收必統籌全局規定畫一辦法甫能實行是該  
道交卸廠差恐尙無期我公如果相需甚殷可否

暫調南局俟廠事交代後再調北局何如盼復

又 閏六月二十五日

近來電局轉報延擱過甚湘路公司十九發皓電二十四始接到薛道二十二發禡電二十四夜始接到轉不如置郵之速公與方通電亦不免或有濡滯之時請公查儆以免誤事至叩

內閣寄武昌瑞制軍四川趙制軍端大臣

閏六月二十五日

奉 旨盛宣懷奏瀝陳川路情形一摺所有請飭四川總督轉飭李稷勳仍駐宜歸暫管路事督辦

大臣未接收以前勿許離工並責成該督遵照前  
旨迅速會同端方將所有收款分別查明細數  
實力奉行俾得按照所擬辦法早日決定等語均  
著照所議辦理本日又據瑞澂端方電奏各節應  
由端方就近迅速會商趙爾豐懍遵迭次 諭旨  
妥籌辦理嚴行彈壓勿任滋生事端並將詳細情  
形隨時查明電奏欽此謹聞

寄瑞制軍

閏六月二十五日

本日交 旨李仍留辦已由部電達請卽錄 旨分行  
以安人心鐵路國有民有急辦緩辦均屬無妨惟政策

既定若再反汗當此民氣囂張後事更難措手昨讀兩  
電同深欽佩李事挽回賴公之力時局多難內外諸臣  
以不擔負爲妙諦此其所以不振也

端大臣來電

閏六月二十五日

保林公司包工事川路暫不能辦於粵漢擇一段  
令包自無不可惟該公司謂包工必從難工下手  
自武昌至宜章統籌全局以衡州以下至宜章一  
段鑿山築橋糜款最鉅能歸包辦受益較多其武  
昌至衡州一大段較易施工仍歸格林森一手經  
理兩兩相形亦可收競進之功免虛糜之弊公如

謂然請卽飭知該公司令其遵辦惟楊俊卿余堯  
衢屢次來電均屬勘路者暫緩往湘一因款項交  
涉未盡解決不能收路一因長昭橋工再需月餘  
方可告竣恐工程參差不齊爲外人所笑故屢電  
相阻詞意甚堅該公司往衡必須在一月之後如  
公准定保林包衡州宜章之工可令該公司先回  
上海遲一月再來彼時水潦已退道路無阻於勘  
測亦無障礙並請速卽轉知蘇堪二十五後方能  
由湘啟行俟抵鄂卽與面商一切

又 閏六月二十六日

湘人爭米鹽捐公意至多給無利股票已屬格外  
金圓小票贖約英款既歸部還贖路之米鹽捐爲  
地方行政支銷之款並非因路抽收又能得無利  
股票實不可謂不厚至於照第一層辦法湘人則  
謂原案無扣除贖約明文自當一律作爲因路支  
出之款而細查原奏附股辦法明言所抽收之公  
司股票盡數驗明收同米鹽捐非因路抽收不在  
所抽公司股票之內無所謂附股卽無所謂退還  
本湘說帖所謂遵第一層辦法則可免扣除贖約  
者實屬誤會至歸官歸民應照 國家稅地方稅

之分別歸諮議局議決由督撫主持不能因此牽涉致與路事糾纏不清此皆應與湘人辯析之理由惟現在湘事一日不能決卽路工一日不能收路工一日不收川粵事更無從下手委曲求全仍宜先就湘將就了給此時公已允結無利股票卽再爭至將來稍分紅利亦可姑允以日後未來之虛利解目前難決之問題未始非計總之無論如何總須在京議決方可一了百了近來湘中又漸有開會之舉方與萃帥深以爲慮再事遷延夜長夢多更無了期澤生總紳一席必宜力爲維繫湘



事方能順手頃接湘路公司電稱湘路應於三月初九還金元小票八月十五還贖路英鎊共需銀四十八萬餘兩事關交涉數鉅期迫應請咨籌核辦等語鄙意路未接收以前應由部電俊帥照舊籌撥俟接收後照奏案辦理似此進一步立論於米捐等款之爭執或可得釜底抽薪之一助請酌此電千請勿示湘人爲要

寄端大臣

閏六月二十七日

高澤畬王司直已見均當催令還鄂錫樂巴准七月二十八由德遵陸來華約中秋可到

端大臣來電

閏六月二十八日

錫樂巴事聞德商言前在津浦名譽不佳學問亦舊德國新學工程司好手甚多將來柯達士回華必不謂然方前電曾以錫於中國情形太熟爲慮證之德商所言又如此應請公熟籌再定若已召之來華或令辦他事或委以路事顧問亦無不可請速惠復

又

閏六月二十八日

督撫會辦卽上奏保林公司聞有不日來鄂之說鄙意包工應俟全綫測量事竣標樑插定圖表備

齊工價估就之後始能招人投標若專用保林一家包工恐易爲挾持且必招人指摘前電囑其遲一月來鄂係擬指勘衡宜之境而言現思路未勘定卽來此亦無所事請轉知該公司務緩來鄂爲要包工辦法方所主持但路無確圖商不投標斷不敢貿然擔此責任也請速復蘇堪已到尙未接晤

寄南昌馮星巖中丞

閏六月二十八日

日本小田切到部面稱南九鐵路借彼國興業銀行一百萬現因路久無成息亦短欠請部承認前來查公司

原稟並無口款今既交涉應請尊處查明電復無論官辦商辦卽將此項百萬迅速籌還以杜糾葛爲要

端大臣來電

閏六月二十九日

三井洋行昨來談枕木事并有部將與訂購若干根之說查日本北海道枕木曾經調查價值極廉最堅之木加以運腳不出一元以外該洋行所言價值不盡可信且湘省所用苗木據辭道云木質比東洋爲勝價雖少昂亦可酌購應用且藉以聯絡湘人又聞安東出木甚多不知價值是否合宜已派專員前往調查辭道日內來鄂擬與面商辦

法總之枕木事非切實調查比較由外面與訂不能合算該行如來部再申前請乞卽婉拒爲要

寄端大臣

閏六月二十九日

包工應在測量之後此一定辦法惟據保林云彼亦須測勘方能估價前奉電示飭卽赴鄂彼因病稍遲今再將尊意轉致鄙見最好趁此空閒請其一勘宜歸庶可議決華工能否了事乞與華帥商之

又 閏六月二十九日

錫樂巴識見工夫爲最上等津浦並未聘用膠濟鐵路是其一手所造價廉工速眾人所知聞德商欲薦他人

意圖勾串弟俱同絕所以先訂錫樂巴者與公先訂格  
林森之意相同要在權不外散耳幸勿爲德商所搖動  
弟尙恐此人不肯久於在華因其聲價稍高但能勘估  
定議便不怕他工程司作弊

愚齋存稿卷第七十九